

永定河志

永穴河志錄

卷十九 附錄

口蹟

白土山

手蹟

碑記

魏建成鄉侯劉河碑

重修唐溝河堤

固安縣記

重修盧溝橋河

固安縣修堤志龍

固安縣創修重堤

廟記

奉修固安縣涇汀隄志碑記

固安縣太平莊東河神碑記

西惠濟廟碑

東惠濟廟碑

三角淀惠濟廟碑

重修南五工河神廟記

禁河身內居民添蓋房屋碑

永定河事宜碑

永定河記

永定河志卷十九

附錄

凡修郡縣志每採名流著述及金石之文以矜
博雅永定河志則以工程為要領其情形之屢
更規畫之盡善

諭旨

宸章臣工奏議無不備具允堪法守矣固無取於文人
墨士摘華撝藻為也顧以遊歷所經探奇覽勝

或稽考所及沿流溯源與夫斷碣殘碑紀當時之實事苟有關於河務者皆足以資參考也爰錄古蹟碑記二冊於簡末

古蹟

魏高祖裴延儁轉平北將軍幽州刺史范陽郡有舊督亢渠五十里漁陽郡有故戾陵堰廣袤三十里皆廢毀多時莫能興復表求營造躬自履行相度示形隨入分督未幾而就溉田百萬餘畝為利

十位百姓。今賴之。

北齊書斛律羨轉幽州刺史導高梁水北合易京東會於潞因以灌田邊儲歲積轉漕用公私利焉

謹按以上諸水與桑乾河會入潞河
在今京城北宛平大興武清通州境

通典隋大業七年征高麗煬帝遣諸將於薊城南桑乾河上築社稷二壇

通鑑煬帝八年春正月四方兵皆集涿郡宜於桑乾水上類上帝於臨朔宮南祭馬祖於薊北

唐書韋挺傳挺遣安州司馬王安德行渠作漕艫轉糧自桑乾河抵盧思臺行八百里渠塞不可通顧炎武北平古今記按今京城西三十里盧師山相傳為隋沙門盧師馴伏青龍之處以唐書考之當即盧思臺師乃思之誤也

宋史端拱二年宋琪疏從安祖寨西北有盧師神祠是桑乾出山之口東及幽州四十餘里趙德鈞作鎮之時欲遏西衝曾塹此水河次半有崖岸不可經渡

冊府元龜裴行方檢校幽州都督引盧溝水廣開
稻田數千頃百姓賴以豐給

遼史地理志宋王曾上契丹事幽州南門外永平
館南即桑乾河

金史禮志大定十九年有司言盧溝河水勢泛決
噬民田乞官為封冊神號禮官以祀典不載難之
已而特封安平侯建廟二十七年奉旨每歲委本
縣長官春秋致祭如令

金史徒單克寧傳初盧溝河決久不能塞加封安平侯久之水復故道上曰鬼神雖不可窺測即獲感應如此徒單克寧奏曰神之所佑者正也人事乖則勿享矣報應之來皆由人事上曰卿言是也世宗頗信神仙浮圖之事故克寧及之

元史郭守敬傳至元二十八年有言灤河自永平挽舟踰山而上可至開平有言盧溝至麻峪可至尋涼林廟是遣守敬相視灤河既不可行盧溝舟

亦不可通

元史許有壬傳載有壬議阻創開金口河新河條
奏畧曰大德二年渾河水發為民害大都路都水
監將金口下閉閘板五年間渾河水勢浩大郭太
史恐衝沒田薛二村南北二城又將金口以上河
身用砂石雜土盡行堵閉至順元年因行都水監
郭道壽言金口引水過京城至通州其利無窮工
部官並河道提舉司大都路及合屬官員耆老等

相視議擬水由二城中間窒礙又盧溝河自橋至合流處自來未嘗有漁舟上下此乃不可行船之明驗也且通州去京城四十里盧溝止二十里此時若可行船當時何不於盧溝立馬頭百事近便却於四十里外通州為之又西山水勢高峻金時在都城之北流入郊野縱有衝決為害亦輕今則在都城西南與昔不同此水性本湍急若加以夏秋霖潦漲溢則不敢必其無虞宗廟社稷之所在

豈容僥倖於萬一若一時成功亦不能保其永無
衝決之患且金時此河未必通行今所有河道遺
跡安知非作而復輟之地乎又地形高下不同若
不作閘必致走水淺淤若作閘以節之則沙泥渾
濁必致淤塞每年每月專人挑洗蓋無窮盡之時
也且郭太史初作通惠河時何不用此水而遠取
白浮之水引入都城以供開壩之用蓋白浮之水
澄清而此水渾濁不可用也

明宣宗實錄七年十一月辛酉初行在戶部右侍郎王佐言通州至河西務河道狹淺漕船動以萬計兼四方商旅舟楫往來無港汊可泊張家灣之西舊有渾河若疏濬近京師一二十里更加開廣終為巨浸令可泊船公私俱便命都督馮斌尚書李友植同佐審視斌等以圖進上覽之謂役重大命姑止之

范成大石湖集盧溝去燕山三十五里宋敏求謂

之蘆荻河即桑乾河也

燕山紀游石徑山孤峯特立洞皆鑿石而成最上
為金閣寺有塔宜遠眺東南行至林衡署有古松
數百株叅錯平野問其地蓋先朝果園也

劉侗帝京景物畧山而石其骨者皆有峯巖壁穴
也每蹶山有聲應杖及履琅然而絃其下峯壁也
确然而鐘其下巖洞也即事滌鑿實罕人工無有
全乎人事者也積土曰嶽瀦水曰海穿頑石曰洞

天邇身而遠思為寄焉而已出阜成門而西二十
五里曰石景山故石耳無景也土人伐石歲給都
人石田是耕不避堅厚久久巖若洞若焉萬厯中
董常侍建元君廟棲羽士而石景山以著山最上
金閣寺寺最宜遠眺望蒼黃一道如帶南綴者渾
河也渾河古桑乾水從保安舊城過沿河口過石
港口達盧溝渾河如云濁河也盧溝如云黑溝也
濁且黑一水也水雷殷而雲湧亦曰小黃河河迅

岸危石不得止而橋之以板行板者委身空中無
傍藉踏踏閃閃無詳步而目下見水水勢懾目橋
則蜿蜒强者欲趨若前恒者欲蹲若後萬歷戊子
九月十六日駕還自壽宮駐蹕功德寺明日幸石
景山觀渾河上先登板橋諸臣翼而趨中流顧問
輔臣水從何來申時行對曰從大漠經居庸下天
津則朝宗于海矣上曰觀此水則黃河可知因敕
河臣亟修隄岸毋妨漕計諸臣頓首謝

明神宗實錄萬曆十六年九月甲子駕幸石景山
欲觀渾河趨召輔臣時行等三人及定國公文璧
臨淮侯言恭飛騎而至 upper 已御河岸幄次叩頭畢
起乘橋橋為二道諸臣從上異道而行上命同道
後隨臨流縱觀目時行前曰朕每聞黃河衝決為
患不常故欲一觀渾河今水勢洶湧如此則黃河
可知時行對渾河來自西北古稱桑乾河是也從
此以盧溝橋至直沽入海水漲時亦多洶湧至如

黃河發源崑崙自積石龍門會淮入海衝決之勢
不啻數倍黃河每一潰決遠至數千里自徐州至
淮安屬當運道所關最重上曰行河官應恪乃職
時行對近奉詔委任責成並知警惕上曰經理須
要得人時行對皇上留意河道拔用舊人一時在
任皆稱諳練不敢輕率誤事上首肯言須得人者
再時行對如諭立良久乃下命從官先詣功德寺
候駕仍賜酒饌

張舜民使遼錄過盧溝河伴使云恐乘橋危以車
渡極安而速濟不曉其法

宋啟明長安可游記自南山磨石口登海會寺寺
當山缺遠見盧溝橋在數十里之外橋柱歷歷可
數

許亢宗奉使行程錄盧溝水極湍激每候水淺深
置小橋以渡歲以為常近年於此河兩岸造浮梁
建龍祠彷彿如黎陽三山制度

金史河渠志世宗大定二十八年五月詔盧溝河
使旅往來之津要令建石橋未行而世宗崩大定
二十九年六月章宗以涉者病河流湍急詔命造
舟既而更命建石橋明昌三年三月成勅命名曰
廣利有司謂車駕之所經行使客商旅之要路請
官建東西廊令人居之上曰何必然民間自應為
爾左丞守貞言但恐為豪右所占况罔利之人多
止東岸若官築則東西兩岸俱稱亦便於觀望也

遂從之。

戴洵司成集盧溝本桑乾河俗名渾河在都城西南四十里有石橋橫跨二百餘步橋上兩傍皆石欄雕刻石獅形狀奇巧金明昌間所造兩崖多旅舍以其密邇京師驛通四海行人使客往來絡繹疎星曉月曙景蒼然亦一奇也

元史百官志延祐四年盧溝橋澤畔店琉璃河並置巡檢司

元順帝紀至正十四年四月造過塔於盧溝橋
明仁宗實錄洪熙元年七月水決盧溝橋東狼窩
口岸一百餘丈命行後軍都督府行部發軍民修
築

明英宗實錄正統元年七月命行在工部左侍郎
李庸修狼窩口等處隄二年二月李庸請建龍神
廟於隄上且令宛平縣復民二十戶自石徑山至
盧溝橋往來巡視從之四年六月小屯廠西隄決

詔發附近丁夫修築七年十一月築渾河口九年
三月修盧溝橋

蔣葵長安客話盧溝橋金明昌初建正統間重修
長二百餘步左右石欄刻獅子數百枚情態各異
陸嘉淑辛齋詩話盧溝河畔元有符氏雅集亭蒲
道源詩盧溝石橋天下雄正當京師往來衝符家
介厠厰亭構坐對奇趣供醇釀又有野亭見貢仲
章雲林詩集

畿輔通志盧溝橋在府西南三十里每早波光曉
月上下蕩漾為京師八景之一曰盧溝曉月

謹按盧溝橋自金明昌間建造以來屢有粘補
本朝康熙七年雍正十年復兩次修整乾隆五十一年

欽命大學士和珅等勘估重葺並將橋之兩陸取坡加

長俾輻重行走不致陡然顛仆搖震洞門石工
御製碑記以紀之同文同軌洵萬國梯航之要津也

張燧經世挈要燕南之地以水為固畿內千里之
水皆會於直沽武清之三角淀即古之雍奴長濶
百餘里寶坻之七里海亦渺然巨浸皆在直沽之

內水經注南極序池西至泉州雍奴東極於海謂

之雍奴藪其澤野有九十九澱

四面有水曰澱不流曰奴又曰

畿輔東南諸淀鈎連會於直沽武清有三角淀寶
坻有七里海足以浸灌千頃田今皆棄為汙池誠
師虞集海田之議用脫脫營田之規墾之歲可得
粟百萬斛也

徐昌祚燕山叢錄武清三角淀云是舊城陰晦之
旦漁人多見城堞市里人物填集

徐貞明潞水客譚口外諸山之水自京西盧溝橋而下經固安永清至於信安匯於三角淀達於直沽入於海良涿九川之水會於胡良河自楊家務而下經北樂店東過辛店至於信安此霸州以北之水也宣府紫荆白溝諸水自新城而下匯於茅兒灣經保定玉帶河達於苑家口至於信安直沽入於海易安苑肅唐縣九河之水自雄縣而下東過茅兒灣入於苑家口山西五臺之水自河間而

下經任邱滙於五官淀亦入於苑家口此霸州以南之水也南北二川束狹淤淺隄岸蕩飣不足以容萬派之流水至則瀾漫無際溢入文安大城積為巨浸民不得耕治之之法不以壅而以導不先於決口而始於下流按直沽之上有大淀有小淀有三角淀廣延六十七里深止四五尺若因而增益之又為之隄以停蓄衆水而以委輸於海水有所受然後濬治舊川為長隄以束之高廣倍於前

功使水有所行又多開支河聯絡相屬使水有所分見在窪淀不下數十處各深而隄之使水有所積則雖有淫潦大川瀉之支河析之諸淀潴之高隄防之可以無患矣

顧祖禹方輿紀要永清縣南拒馬河自霸州流經東安縣境又東入縣界而注於武清縣之三角淀即盧溝河及易水之下流也又云東沽港在東安縣南五十八里水自縣西潕河分流而東入武清

縣三角淀

武清縣志三角淀一名筍溝一名葦洶周圍二百餘里即雍奴水也蓋數千年東南數澤之雄而近今

畿輔諸水所藉以停蓄游衍者也永定子牙中亭玉帶會同之流無不入焉數年以來永定河流遷徙無常濁水灌入日漸闕淤

謹按古雍奴數包京東南諸淀而言故水經注曰南極庫池西至泉州雍奴北雍奴武清縣舊

名也又曰其澤野有九十九澱非即今之三角
淀也今之三角淀在雍奴縣境耳諸志遂謂三
角淀即古雍奴水其實滙歸之水雖多而名勝
志所謂范甕口王慶坨六道口魚兒里諸地現
在周迴止六七十里安所得二百餘里即自雍
正四年引永定河水注之迨至乾隆十五年已
淤為膏壤不惟諸水皆淤涸
即永定河流亦不能漫及矣

碑記

魏建成鄉侯劉靖碑

晉司隸校尉王密

魏使持節都督河北諸軍事征北將軍建成鄉侯
沛國劉靖登梁山以觀源流相澡水以度地形嘉

武安之清渠羨秦氏之殷富乃使帳下丁鴻督軍士千人以嘉平二年立過於水導高粱河造戾陵過開車箱渠其過表云高粱河者出自并州潞河之別源也長岸峻固直截中流積石籠以為主過高一丈東西長三十丈南北廣七十餘步依北岸立水門門廣四丈立水十丈山水暴發則乘過東下平流守常則自門北入灌田歲二千頃凡所封地可餘萬畝至景元二年詔書以民食轉運陸費

不曉遣謁者樊晨更制水門限田千頃刻地四千
三百一十六頃出給郡縣改定田五千九百三十
頃水流乘車箱渠句薊西北逕昌平東盡漁陽潞
縣凡所潤涵四五百里灌田萬有餘頃高下孔齊
原隰底平疏之斯溉決之斯散導渠口以為濟門
洒漑池以為甘澤施加當時敷被後世晉元康四
年君少子驍騎將軍平鄉侯宏受命使持節監幽
州諸軍事領護烏丸校尉寧朔將軍遏立積三十

六載壬午年夏六月洪水暴出毀損四分之三剩
北岸七十餘丈車箱所在漫溢追惟前立遏之勲
親臨山川指授規畧命司馬關內侯逢憚內外將
士二千人起石岸立石渠修主遏治水門門廣四
丈立水五尺興復載利通塞之宜準遵舊制凡用
功四萬有餘焉諸部王侯不召而自至襁負而事
者蓋數千人詩載經始勿亟易歌民忘其勞其斯
之謂乎於是二府文武之士感秦思鄭國渠之績

魏人置豹祀之義乃遐慕仁政追述成功元康五
年十月十一日刊石立表以紀勲烈並記通制度
永為後式焉水經鮑邱水注鮑邱水入潞通得潞
河之稱矣高梁注之水首受潞水於
庾陵堰水北有梁山山有燕刺王旦之陵故以庾
名堰水自堰枝分東徑梁山南又東北徑劉靖碑
北

右碑舊在薊縣大城東門內今無考

重修盧溝河隄記

正統元年十月

明禮部尚書

張昇

盧溝河在京西郭外乃桑乾河所經原自雲中桑

乾山流至京師橫迤而南又折而東跨河有橋并
陝河蜀趙魏番羌悉出於是乃京西要途也其河
通塞外雲中鉅木財貨公私所資乃京西要津也
河合太行諸山之水其流峻急漲則動成衝突散
漫奔潰漂廬舍傷人畜壞田疇圉畝不可為數而
往來之人阻滯曠日患不可勝言近年尤甚上厓
宵旰憂正統元年春有司以河決聞兩隄計十有
一所延袤千有二百丈上惕然興嗟即命內官監

太監蕭公過襄城伯李公廊工部尚書曹公鑑偕
奉璽書往治之乃遣官屬隨地遠近分治役官兵
三千傭借工八百肇於是年三月十一日不數月
而隄就功成缺者以完壞者以復橫流者以息修
築者以固農有耕穫之利居無漂蕩之虞行無阻
滯之憂衆喜而胥告曰此河昔非不修也然而隨
修而隨壞者無實功故也豈有如今日之堅密而
根固渚乎昔非不役衆也然而用力多而成功緩

者無要法故也豈有如今日之役省而功速者乎
是皆公輩措畫之宜葺理之善而篤勵之精也皆
以手加額而稱頌之不容口工已又以橋北東隄
故有河神廟頽圯不支無以揚虔而妥神太監公
謀欲新之而樹碑於是以紀歲月以請詔曰可於
是河隄完固而民得以無虞廟宇煥然而神得以
安靜斯舉也非皇上憂民之切諸公督理之勤亦
安能以成功耶尚書公間過屬記於余余喜而道

之且津要之地衆出之途民生之繫當務之急政
不可後也功尤可述也乃不辭而次第其語以告
諸來者

石碑在盧溝橋回龍廟

固安隄記

正統三年七月

明大學士楊榮

天下之難治者莫踰於水而治水之先者尤莫踰
於京師故大禹之跡首在冀州豈非以水之利害
所繫者大而帝畿之內宜慎其防以為宏遠之圖

也歟盧溝之河發源太原之天池伏流至朔州馬
邑從雷山之陽發為渾泉而為桑乾河雁門應州
雲中山西諸水皆會焉愈遠益大過懷來行兩山
間拘束齟齬而不得肆至京城西四十里石景山
之東地勢平而土脈疏衝激震蕩遷徙弗常後魏
都督河北道諸軍事建成侯劉靖及子平鄉侯宏
築戾陵堰以防之水患稍息後人思其功謂之劉
師堰歷世既久水勢漸更下流十五里距盧溝不

達有曰狼窩口時復衝決漫流而東浸沒田廬民
弗安業聖朝建北京視河為襟帶永樂間屢常修
築輒復頽圯今聖天子嗣位命工部侍郎李庸內
官監少監姜山義往任厥事復命太監阮公安少
保工部尚書吳公中總其事且敕其務存堅久勿
為苟且庶幾暫勞永逸羣公效命材謀具濟經始
於正統元年冬畢工於二年夏凡用夫匠二萬餘
月給糧餉以萬計累石重甃培植加厚崇二丈三

尺廣如之延袤百六十五丈視昔益堅既告成賜
名固安隄命置守護者二十家建神祠於上有司
以時修祀禮凡督事者悉賜鈔幣以勞之其視築
戾陵堰役費加倍而堅實亦過之仰惟聖明至德
燔際穹壤而於京畿茲圖鞏固以寧濟斯民於千
萬年諸公亦能同寅協恭用成厥功蓋可久可固
而利益於世者不小皆所當書於是敘其始末俾
勅諸石庶後之人有考焉

右碑在盧溝橋回龍廟

重修盧溝橋河隄記畧

嘉靖
八年

明袁煒

盧溝襟帶都城之西頃年沙洲突起下流填闕水
失故道潰隄決衝走西南百餘里事聞遣工部尚
書雷禮暨掌工部尚書徐杲相度規畫條上事宜
上遂發帑銀三萬五千敕太監張崇侍郎呂光洵
指揮同知張鐸御史雷稽古董其役仍令禮月一
往視經始於嘉靖壬戌秋九月報成於癸亥夏四

月凡為隄延袤一千二百丈高一丈有奇廣倍之較昔修築堅固什伯矣於是臣禮請立石記其事乃命臣煒為之記

右記見袁文榮集

固安縣修隄建龍王廟碑記

萬曆三年六月

明都給事中

尤懋

燕南諸郡邑為九河下流地勢窪下土壤輕脆無高山大麓之限橫流易於衝決貽民之害其來舊

矣三輔環京固尤為重地川瀆經入其境內者
一曰渾河一曰清河渾河去縣北數里東流至永
清界即古之桑乾河是也清河出縣之西南亘二
十餘里合榆水入縣境平時伏流各循故道夾河
之民雖未藉其利而害未及之迄於夏秋之交積
雨淋漓洪濤迅奔汪洋瀰漫渚而為淵擁而為沙
蔽原塞野莫知底止即有咫尺退灘可容耕佃已
轉膏腴之舊而為瘠薄之區歲復歲焉莫可誰何

浸以墊溺

歟

城郭將來之勢可畏也已然水性

慄悍固不能使之挽回故道修築隄堰以為民防
寧非司牧者之責而濟民之一術哉乃兵憲錢公
下車未及觀風問俗視此有隱憂焉始為檄諭下
其議於縣令時縣侯李公直以今之為害於境內
者莫如二河柵堰防隄何敢不力顧今百姓困敝
極矣常徵固已難之重之經費以擾農事不將益
難乎今計忙議募工僱值出以公帑於勾稽版築

之問而默寓賑恤撫摩之意一方百姓聞之無不歡呼稱便者乃遂條畫上之錢公錢公大加嘆稱焉即為具白都撫王公報曰可侯方布令申諭出公貯趣辦催直而應募者殆數千百人乃約以度工授金標示法式即卜日肇事以督工官五十三人分工守視即其所廬焉侯則一日二日必至有公事出則必至即風雨不輟於是赴工者大奮事益集築益堅無何隄岸迤邐起北障渾河三十四

里許動公貯以銀計五百四十九兩以穀計五百石有奇南障清河隄二十餘里其銀穀費俱俟特設處工肇於萬厯三年三月三十日告成於本年四月十七日又其卒也於渾河隄口創建一龍王神像而歲時祠之若謂茫茫川瀆必有以主之者祈神之佑河伯效靈而永相吾民焉夫以數百年未舉之事功而興於一旦以千百年無窮之大業而成於期月俟之上承德意而下卹民情可謂亟

矣又其器具用度無一煩民而出納之間不經吏胥故其制用有紀民不知勞諸治理始末皆可以風告官守而逖垂政模也使後之為令者得循其嗣續而時舉之其所以裨補於此方之民者豈其微哉是年春余家居還朝道經是邑方渡潭水而異其隄垣之固遂得侯言其梗概若此因請余文以紀其事余也樂觀厥成遂不量其鄙樸僭為之記以識其歲月云

右碑在固安北隄口古河神廟

固安縣初修重隄暨龍王廟碑記

萬曆四十三年六月

明右副都御史郭光復

固安之苦渾河也

缺

古稱桑乾河是也

缺

盧溝橋下分兩

缺

漂悍喜遷一過黃沙漫野

四十一年間

缺

數日暴

缺

河水

缺

隄平少

頃建

缺

而下射城西門怒濤奔浪吼雷戰馬城幾

沼而民幾魚矣會今

缺

侯孫公號太素奉命從武

清移茲邑烟烟福

缺

車即問俗考政遍察

利弊所在而興釐之自捐金置辦大小木料雖竹頭木屑靡不廣為儲蓄邑人不之知也

缺

月

庶品交飭城工修繕之餘率羣僚問諸水濱曰舊隄崩阨幾成平地矣安在一線土足蔽此萬頃波

盍再修一隄重加保障可恃以無恐也亟立期會

缺

鍾畚夫役雖徵之馬頭而覓直悉出帑中金復

旦夕勤

缺

以不常之格

缺

是以歡聲如雷子來

趨事纔十日而隄成矣既而曰憑河有神棲神有

廟與其弭患而沈璧於中

缺

若建祠而

缺

於

崇陞况此神從至正間業封為靈應洪濟公豈至

今日而反成缺典於是

缺

前所儲之材木鳩工

建廟而塑之以像計前後費二百五十金成功三

十日儻明神呵護而然哉隄長五百四十丈高一

丈八尺厚濶狹不等兩傍密樹以柳計萬餘本堅

完倍昔廟凡三楹下有臺前厦後又構禪堂三間

傍有樹園以垣最前門大高而取象昂其首美哉

廟制乎棟橈宏麗金碧輝煌珠旒公穹然高峙兩

有說

隄攤抱如環帶然豈不巍巍形勝足以安神靈而
徽崇貺哉役竣父老慶其成剏羊擊豕為歌舞之
會公合羣寮而展拜其前祝之曰司民命者明有
職幽有神職不忍厲民而祝神神亦當鑒職而福
民自此澤潤千里浪偃重層有灌溉而無虞奔射
惟神之靈亦免職之戾不然泛濫如故衝決如故

蓄田畛而漂廬舍使民蕩析於洪濤巨浪中無論
非築隄建祠之本意而自顧廟貌能無慚斯民血
食乎於是酌酒於地擊鼓而顏其門復記事於碑
記畢系以歌曰捲地長河古岸東雙隄迢遞勢如
虹藥宮高挿半天中明德千年兮祀常豐又歌曰
福星來此迢長鯨白沫翻飲

柳濃烟雲

氣橫問誰垂蔭兮勒石永貞

古碑在西惠濟廟

奉修固安縣渾河隄岸碑記

康熙三十一年

涿州知州 秦毓琦

渾河之水其派甚遠脈發天池大於桑乾漸衍溟海為京都之總滙實

天府之雄流由來舊矣歲在壬申春二月欽奉

上諭渾河隄岸久未修築各處衝決河道漸次北移永清霸州固安文安等處時被水災為民生之憂可詳加勘察估計工程動正項錢糧修築不但民生永遠

有益貧民借此工值亦足以贍養家口欽此欽遵直隸巡撫郭世隆率屬親履踏勘查明渾河故道在固安永清之北向有舊隄七十二里今河灘移徙每遭沖決常罹水患此隄之亟宜修也又查地勢北高南下舊隄既修北水無歸居民受惠永清東北向有舊河五十四里年久未濬間有淤塞成途者欲使順流歸淀此河之亟宜濬也確經估計題明濬築飛檄遴員迅赴分辨擇日興工茲固安縣

屬之隄六千八百七十九丈爰奉飭委即集村民
父老宣揚

聖諭酌量舉行夫興修除患本圖樂利於久遠給值論
工更足贍養於斯日

聖天子因民之所利而勞之因民之所勞而即利之
宸衷至意溥被無遺赤子幸生
堯舜之世居於

畿甸之間有不踴躍愛戴歡呼從事者乎今愚者殫

其力達者摯其心胼手胝足登登然競趨堅峻勿
事虛糜一望新程宛如帶礪不越月而隄工告成
是役也康熙三十一年四月十二日工興五月初
五日事竣計夫一十三萬五千九百八十四工給
值銀五千四百三十九兩三錢六分琦等躬際盛
事撰文刻石冀與日星海嶽永垂天壤不朽俾千
萬世後登覽是隄者知

聖朝無事不蒙恩也已是为記

右碑舊在固安縣十里鋪河神廟乾隆三十六年五月二十三日將移於北岸二工新建河神廟豎立舁至南三工六號上船過河水發沈溺

固安縣太平莊東河神廟碑記

康熙三十九年八月

固安縣知縣楊龍

固安縣北舊隄一道東至龍王堂永清縣交界起西至本縣來各莊宛平縣交界止共計長三十八里五分一釐七毫康熙三十一年春

旨發帑修築自本年二月內興工四月內告竣經修官
署縣事三河縣知縣張龍署典史事永清縣典史
卽應壁監修官涿州知州秦毓琦康熙三十七年
九月內蒙前任撫院督令前任固安縣知縣修補
至三十八年三月竣工詳明撫院交給河工分司
為南岸管理訖

右碑在南岸五工太平莊河神廟

西惠濟廟碑

雍正十一年

永定河道定

柱

永定河發源山西太原之天池伏流至朔州馬邑
會雁門雲中諸水經宣化府之懷來夾山而下曲
折盤旋而至京西宛平縣境土疏衝激數徙善漬
頗壞田廬為居民患康熙三十七年

聖祖仁皇帝軫念濱河百姓圖維捍禦之策

特命直隸巡撫于成龍築隄濬河以奠民業由宛平之盧
溝橋朱家莊匯安瀾城河注西沽以達於海顧新
河放水之後溜急洶湧兩岸隄防多致坍塌安瀾

城河口淤墊是以康熙三十八年

聖祖仁皇帝親幸永定河相度地勢高下情形

特授方畧於三十九年自永清縣郭家務以下地方另開
新河一道改河口於霸州之柳岔口而河患平矣
迺後河身漸致淤高出水又復壅滯我

皇上御極念切蒼黎興修水利雍正三年 怡賢親王
大學士朱軾欽遵

諭旨歷勘何形悉心區畫自柳岔口引河流稍北遶至

王慶坨之東北入淀使河水有所歸宿雍正九年
定柱恭膺

簡命職任監司下車三載水流順軌歲慶安瀾濱河禾
稼悉獲豐登此由

聖主德盛故

河神默佑俾成厥功也固邑城外向建有東西

河神廟兩座柱因而敬葺之神像莊嚴殿宇崇煥矣

但

明神供奉不可不為遠計查東廟有地五十畝西廟
有地連廟基共五十畝祇敷僧道饗殮之費而歲
需香火缺焉欽惟我

皇上於永定河上游石景山新建

北惠濟廟

御賜碑文匾額現在交部議撥香火地
聖心誠敬至密至詳也柱暨各屬均沐

皇恩

神靈護佑於因安東西兩廟悉願捐資置段德名下
入官地並贖回舊地共三十頃坐落永清縣第六
里柳坨大惠家莊等村與固安縣之小西湖張家
場呂家營等村存取租息繳存道庫為每歲香燈
祭祀之需稍展報享微忱垂之永久所有捐貲各
員弁姓名揭諸碑陰

永定河道定柱 永定河道八十 南岸同知
黃煥 北岸同知李壇 石景山同知齊格

南岸頭工楊振清 南岸二工袁松齡 南岸

四工王熊采 南岸五工劉啟 南岸六工蔡

學頤 南岸七工李泰階 南岸八工王元卿

北岸一工朱明琦 北岸二工張大宏 北

岸三工洪時行 北岸四工葛士達 北岸五

工顧廣生 北岸六工朱雲林 北岸七工陳

琦 北岸八工陳培

右碑在因安縣城外西廟

東惠濟廟碑文

乾隆二十二年

永定 魯成龍
河道

永定本無定乃我

朝

嘉錫之名即古稱桑乾河也溯其河源由山右太原之天
池伏見經流袤長幾及千里穿西山地界而達石
景山過盧溝橋水勢奔突遷徙靡常

國初以來任其散渙不事修防迨中丞于成龍建議
創築隄堰疏濬並施繼經 怡親王同大學士朱

輒興修水利渾流容衍屬之於淀蕩漾澄澈歸津
入海自石景山以至三角淀綿亘二百餘里金隄
屹立安流循軌保衛田廬比來物阜民殷興歌樂
利且歲需帑金數萬工料所資咸取給焉每逢
凌麥伏秋諸汎固資人事之修防尤賴
神明之顯佑是以附郭沿隄敬建

河神各廟召募僧道司其香火甚盛典也顧每年補
葺祠宇洎住持衣食需費累累查石景山南北岸

各廟雖舊有香火地一項至二三項不等租息入
不敷出夫以

神靈赫奕有感斯通凡職任河防者悉心經理仰酬
神貺於巡視河道數載以來浪靜波恬普慶安瀾之
福每於朔望展謁以及輪蹄閱歷之處思欲即其
已成之局更肇不朽之業歲在丙子查出河灘地
一百六十餘頃具牘詳請每廟添撥地一項至三
四頃嗣今以往歲入充拓僧道得所補葺有項俾

廟貌祀典攸賴答

神庥而垂久遠意在斯乎誠恐閱時既久復被豪強
兼併僧道侵漁用是勒諸貞珉庶後之覽者得以
考焉

右碑在固安縣城外東廟

三角淀惠濟廟碑

乾隆二十二年

永定河道魯成龍

永定河挾雲中上谷崇山峻嶺之水奔騰湍悍環

繞

畿南數縣約吏於兩隄之間至三角淀而逶迤蕩漾
漸次澍澍由鳳河注大清河以入於海是三角淀
為全河下游所恃以停蓄而宣洩者也下壅則兩
岸輒虞淤墊下游暢則河底並資刷深是以講求
河防惟下口為急務往者下口屢移無常處歲乙
亥總督方觀承相度形勢秉承

睿謨於北岸六工洪字二十號作為全河尾閘導之而
波濤注瀦之而風浪恬數年以來水之出河而入

淀也循軌徐赴無衝激之行其由淀入鳳河以達海也澹沲淵澄有朝宗之勢繞埵村民服疇力穡共慶生成余職司監河周迴巡視覩水光天色流既遠而氣已靜恍見

神明怡悅金支翠節隱現於清波滉漾中也惟

神功在生民靈爽昭布固無處而不通其盼鑾者

聖朝典秩有加聿隆報祀自石景盧溝以及南北兩岸皆建廟致祭歲時展誠而三角淀為水所歸宿之

鄉印

神所妥綏之地獨無棟宇以致馨香可乎爰率所屬
擇孫家坨之高原建廟一所內正殿三楹前後圓
房二十間鳩工庀材羣力畢赴經始於乾隆丁丑
五月越兩月落成廟貌斯崇絃匏具舉余隨直隸
總督入廟瞻拜肅虔將事惟思益勵精誠永邀

神貺自茲以往因水性為節宣恒先機而利導勻沙
而沙寬讓地而地廣官弁兵夫趨事其間皆有定

向而無歧慮民生永賴

宸念以紓

神之靈長寧有既哉因書其事俾勒貞珉以著興建之意云

碑陰

永定河道魯成龍捐銀五十兩 南岸同知王
錫命捐銀二十兩 北岸同知滿保捐銀二十
兩 三角淀通判衛德炘捐銀五十兩 霸州

知州張士權捐銀十兩 永清縣知縣蔣式瑜

捐銀二十兩 東安縣知縣莊鈞捐銀二百兩

武清縣知縣狄咏堯捐銀八十兩 南埝上

汎東安縣縣丞仇致遠捐銀四兩 南埝中汎

武清縣縣丞趙曾裕捐銀五兩 南埝下汎武

清縣縣丞高文謨捐銀五兩 北埝上汎東安

縣主簿陳龍文捐銀十兩 北埝中汎武清縣

主簿蕭拔捐銀十兩 北埝下汎東安縣主簿

虞炳捐銀十兩

撥給香火池一段計二頃坐落永清縣屬安瀾城北舊河身內東至東安縣交界南至柳園西至雙營香火地北至舊北岸十丈外

右碑原在北塹上汎孫家坨隄上後碎裂

重修南岸五工河神廟記

乾隆三十三年

前署永清縣 陳琮

南岸五工汎內舊建

河神廟兩處一在曹家務村西一在董家務隄上向有香火地二頃分作兩廟焚修之資歷因住持不能節儉所得地租徒滋花費西廟則全行倒塌神像露出東廟則脊頂漏壞牆垣傾圮余自二十八年臘月來守此汎目擊心傷細詢其故知

神靈竟為廟祝累也彼時即欲逐曠僧另召住持緣廟內欠歷年官租約二十餘金他僧皆不願來是以遲遲三十二年冬舊住持以負欠逃余因將兩

廟香火地畝併作一處分七十五畝召住持隆懷
租種令其兼管兩廟焚掃所餘一項二十五畝之
地每畝酌定租價京錢三百文自三十三年為始
所得租錢先將二十八九三十三十一二年舊欠
官租陸續完畢餘錢為兩廟歲修報賽之用凡一
切招佃收種完糧暨修補等事擇交本工誠實委
目經管本汛於年終清查核算謹啟

禁河身內居民添蓋房屋碑

乾隆十八年三月直隸總督兼理河道臣

方觀承
敬刊

上諭

恭錄
卷首

南岸頭工至六工河灘內村莊

南岸頭工除高嶺一村係在隄頭山坡外

宛平縣屬

大寧村居民五十三戶瓦土房三百六十間

南岸四工固安縣屬

小仁厚莊居民四戶草房二十七間

大仁厚莊居民四十八戶瓦土草房一百五十九間

白家新莊居民十三戶瓦土房三十九間

南岸五工固安縣屬

太平莊居民二十戶土草房七十一間

南岸六工永清縣屬

董家務居民二十三戶瓦土草房五十三間

惠元莊居民三十一戶土草房一百一十一間

右碑建南岸四工五號

自北埝頭起至范甕口一帶北埝以內村莊

東安縣屬

淘河村居民二百一戶瓦土房一千七百六十三間

于家隄居民一百一十八戶瓦土草房四百二十八間

葛漁城居民六百五十六戶瓦土房四千一

百六十四間

武清縣屬

大范甕口居民七十八戶瓦土草房三百三十八間

右碑建北埝工頭今被淤

下口南埝以內村莊

永清縣屬

安瀾城居民五十四戶瓦土草房二百七間

霸州屬

唐二鋪居民一千一百五戶瓦土草房三千五百四十九間

黃家鋪居民十三戶土草房五十四間

外郎城居民三十一戶瓦土草房一百四十六間

疖疸上居民一百三十二戶瓦土草房七百七十五間

王家鋪居民七戶土草房十四間

畢家鋪居民一戶土房十間

東安縣屬

外郎城居民三戶瓦土草房三十五間

得勝口居民一百四十五戶瓦土草房七百

三間

王家園居民四十六戶瓦土草房一百九十

九間

東沽港居民二十三戶瓦土草房二百八十
八間

馬家口居民四十八戶瓦土房一百二十六
間

磨叉港居民一百十七戶瓦土房五百五十
四間

裡安瀾城居民一百二十八戶瓦土房四百
四十二間

武清縣屬

東沽港居民一百八戶瓦土房二百七十九間

小范甕口居民一百四十六戶瓦土房四百八十一間

王慶坨居民七百一戶瓦土房三千二百八十間

明家場居民十戶草房二十九間

辛莊居民四十戶瓦土草房一百二間

右碑建南隄五號

自范甕口至鳳河東隄北埵以內村莊

東安縣屬

閔家莊居民六戶草房十三間

鄭家樓居民三十一戶土草房九十間

武清縣屬

劉家鋪居民七戶土房二十六間

西蕭家莊居民三十七戶土草房一百一十九間

六道口居民二百三十七戶瓦土房八百三十二間

教子嘴居民六十三戶瓦土房三百三十五間

李家鋪居民五戶土草房十五間

王家鋪居民十三戶土草房二十七間

又光村居民五百十三戶瓦土房一千七百三十七間

魚壩口居民一百二十七戶瓦土房七百八十二間

陳家嘴居民五戶土草房十五間

西南莊居民五十八戶瓦土房二百七十七間

二光居民二十四戶土房七十八間

東蕭家莊居民十七戶土房五十四間

天津縣屬

安光居民一百零四戶土草房三百七十五

間

雙口村居民一百零六戶瓦土房四百七十

九間

右碑建石各莊村前北塹上

永定河事宜碑

乾隆三十
八年

乾隆三十五六兩年永定北運河水盛漲決隄為患

欽命大學士兩江總督高晉工部尚書裘曰修直隸總督周元理會同查辦發

帑五十萬兩興舉大工永定一河疏築等工共用銀十三萬六千五百餘兩於三十七年汛前工竣三十七年春

皇上親臨永定河自北岸二工九號渡河循南岸二工

至頭工

駐蹕黃新莊恭謁

西陵由天津

回鑾復至下口條河頭

閱視全河以河南巡撫何燭素習河務現在扈從

命同尚書裘曰修總督周元理尋流而上再加講求具

議以聞巡撫何燭

奏永定河下口已蒙

皇上指示開展寬濶疏導有方既不阻下達之勢更可免侵運之虞上游河身雖窄而中泓每歲挑挖一律深通可以暢導其流且有金門閘求賢北村等灰壩以分其出山洶湧之勢其六工現有之隄埝隨時增高培厚捍衛有資即此補偏救弊之中實具永久安寧之道守此成法歲歲實力疏濬修防可以永垂利賴惟是疏導修防原屬治水不易之法而人情厭常好異每視為平淡無奇誠恐數十

年後或有妄為高論別立奇謀轉致變壞成法應
請將現奉

上諭及議定章程摘敘簡明條款刊勒豐碑昭示來茲
庶成法永垂勿替等因具

奏經部議行知照辦理伏查

聖駕閱視永定河皆有

御製詩章治河要議具載詩內及屢次所奉

御旨業已恭鐫碑碣樹立隄頂永昭法守現在疏築宣

防俱係恪遵

聖訓隨時請示辦理茲再摘敘簡明章程勒石記載以
垂不朽云

一石景山同知經管土石隄工自石景山起東岸
長二十二里八分西岸長十四里每年額設歲
修銀二千兩乾隆二十七年

奏明如有節省存貯遇有不敷於節存項內添補應
用三十七年大工凡石工坍塌損裂段落一律

補修完固

一南北岸同知分管隄工南岸長一百五十四里
北岸長一百五十五里四分兩岸原各轄九汛
乾隆十六年改移下口裁去下三汛南岸同知
轄州判縣丞六員北岸同知轄主簿吏目六員
乾隆十五年

奏准沿河各汛均兼巡檢銜分轄附近十里村莊三
十七年大工將兩岸大隄間段加培復添築月

隄

一兩岸額設歲修銀一萬兩搶修銀一萬二千兩
每於秋禾登場之時兩廳以各汛工程險易酌
估次年應需料物開摺送道核准發銀購辦存
貯各工以備次年凌伏秋三汛之用按月造送
月報據實請銷

一中汛每年額設銀五千兩凡有應行裁灣取直
工程預期估報於河枯時趕辦均限汛前報竣

係動撥十里內民夫每土一方給銀四分三十
七年大工疏挑引河每方給銀七分

一閘壩工程乾隆三年南岸二工建金門石閘一
座金門寬五十六丈乾隆六年因壩面過高不
能洩水海墁中路二十丈落低一尺五寸至三
十五年河身漸次淤高微漲即過復添建石龍
骨一道高二尺五寸三十七年大工補築灰土
壩三十八年

聖駕臨幸

諭令添築攔水草壩俾水過有迴溜之勢伏汎時

諭令每過水後即將金門及河流去路隨時挑濬務使積淤盡除水道暢行永遠照此辦理欽此

一南岸三工舊有北村草壩北岸三工舊有求賢草壩年久勢須拆修乾隆三十七年大工興舉遂改建灰壩以資永久金門各寬十六丈並遵旨於金門迤上各建攔水草壩亦使其迴溜過水後如

有積淤挑除淨盡

一金門閘外引河舊名牝牛河至牛坨分為二股
一為牝牛支河歸中亭河一為黃家河入津水
窪歸淀三十七年大工將牝牛河暨黃家河一
律挑濬復於牛坨分流處建草壩一座俾水勢
三分歸支河七分歸黃家河北村壩外舊有引
河自米各莊歸牝牛河因形勢向西不順改挑
引河一道自南柏村歸牝牛河北岸求賢壩減

河一道由北隄外歸入母豬泊三十七年大工
間段挑濬深通以上各引河每年地方官於農
隙時勸民挑濬一次

一三角淀通判經管南隄自水窖村接南隄起長
七十九里一十四丈北隄自小荆堡接北岸起
長四十九里一百二十八丈兩隄各分七八九
工設縣丞主簿分管又管轄淀河州判一員專
司疏濬下口額設銀五千兩每年着看水勢疏

濬引河歸沙家淀由鳳河入大清河達津乾隆
三十七年大工將南北隄間段加培於條河頭
由毛家窪歸沙家淀三十八年春

聖駕臨幸親加指示

諭令將望河亭改為龍神廟是年伏秋汎漲河水改
由條河頭迤北沿圖莊南一帶歸沙家淀

奏奉

硃批足見無定矣現在用船多濬水溝使水勢向南一

分北隄即受一分之益並將北隄培築高厚以資抵禦奉

旨准行

一鳳河東隄長五十九里九分專設外委經管隸三角淀通判管轄三十七年大工挑深鳳河培築東岸隄工

一添設浚船事宜乾隆三十七年

奏設五艚浚船八十隻三艚浚船四十隻共一百二

十隻按工分給南岸共五艚船四十隻三艚船
五隻北岸共五艚船三十六隻三艚船五隻交
兩岸汛員經管下口撥五艚船四隻三艚船三
十隻係淀河州判並把總一員外委一名經管
仍飭三角淀通判董率疏濬每歲各汛將應挑
淤嘴淤灘於水漲之後確估造報土多則照中
泓之例按方給價土少則令河兵挑濬至兵丁
駕船排蕩疏濬原不給價惟兩岸自麥秋至白

露計八十日兵丁上隄防汛不能撐駕船隻議
准添僱民夫駕船撈濬所撈沙土照每船丈尺
折算每方給銀七分即在額設中泓銀內動支
分晰報銷

一沿隄柳株春融時河兵栽種乾隆三十八年春
皇上閱視永定河

諭令兩岸大隄內幫多種卧柳以資捍禦當即欽遵辦
理

一河營官兵乾隆四年題設河營守備一員轄石
景山千總南北岸千總共三員南北岸把總二
員三十七年復設浚船把總一員額設河兵共
一千二百三十名撥各汛疏濬修防

右碑暨道署儀門左

永定河記

節錄

馬 豐

渾河之水自古為患魏時於石景山之東建修戾
陵堰水患少息暨元至正二年開金口河欲引渾

水東流達於通州河成水急則決水緩則塞卒無
成功明季正統元年河潰發帑修治盧溝河隄是
年盧溝之上狼窩復衝漫流而東遣官累石重甃
培植加厚名為固安隄厥後盧溝以上隄防鞏固
京師始免渾河之患其治可謂美矣而猶未盡也
自盧溝以下

畿輔之南平原曠野每遇霖雨水漲湍流奔騰洪洞
無涯其間數百里居民田廬屢遭昏墊荷蒙我

皇上愍念民患永圖良謨於康熙戊寅年

命撫臣于成龍董司厥事發帑庀役大加修治疏河

自良鄉縣之攔河壩至永清縣之朱家莊匯郎城
河注西沽入海築隄自高店張廟場迨朱家莊兩
岸屹峙攔河壩乃舊由河口慮有疎虞建築竹絡
壩一段捍禦頂溜又設官分守添兵防護民享收
穫之利幸免淹沒之苦然而隄防雖則告成濁流
奔狂觸處立潰我

皇上宵旰弗遑

駐蹕河干相視形勢圖維萬全復於庚辰年

命官於竹絡壩旁改造天然石壩二百九十丈又

遣官發帑接天然石壩至北村建造石隄二十三里
半

復命直隸撫臣李光地委官發帑復疏河自郭家務
由清涼寺至柳公口引水歸淀兩岸改築隄防猶
以南岸最險恐致衝坍又

遣總河王新命督修排椿九千七百九十五丈保障隄
工上下二百餘里湍波有歸蓄洩交資民安物阜
歲登大有我

皇上更慮伏秋之後水緩沙停不無淤墊故於辛巳年
三月內

簡命郎中佛保會同兩岸分司色圖渾齊蘇勒踏勘地
勢自老君堂東開挖小清河一道竹絡壩北建造
束水草閘一座引牝牛河清水入河借清刷渾大

有裨益丙戌年分司齊蘇勒因小清河草開不能
經久仰體

皇上憂勤河工至意捐造金門石閘一座以資啓閉兩
岸大隄之外又飭令有司建築遙隄兩道防範意
外漫溢迨丁亥歲復賴督臣趙宏燮整率河員加
修防護歷年預發帑金幫築隄工疏濬淤淺至
今河水安瀾工程鞏固涿霸固永數州縣廬舍安
堵蒼生利賴即一渾河無定之水而今使之既瀦

既平無復湯湯之患不獨奠安目前更可砥柱無窮名為永定萬世不易舉一渾河而遍觀宇宙內之大川巨澤莫不安瀾順序皆與永定河同行其無事治法至今可謂盡善盡美克繼神禹而並傳不朽矣

右記無研僅有鈔稿得之散帙中亦無年月可考觀其敘述情形頗有條理第詳於初建隄挖河事其康熙四五十一年間所作乎或云山東人曹游幕永定河官署夫永定河情形非身歷其境者不能洞悉亦難言之條暢乃爾是殆幕之擬作歟以其有裨河務節其煩冗而存之

永定河志卷十九